

Na osnovu provedenog otvorenog postupka javne nabavke po Obavještenju o javnoj nabavci objavljenom u "Službenom glasniku BiH" broj: 49 od 07.07.2017.godine

1. **Kantonalna uprave civilne zaštite Kantona Sarajevo**, ul. Hamida Dizdara br. 1., Sarajevo, koju zastupa direktor, mr. Mustafa Kovač, (u daljnjem tekstu: **Kupac**), ID broj: 4200665390008
2. **Konzorcij WEBO MARIBOR d.o.o. Maribor, HIDRAULIKA KURELJA d.o.o. Donja Stubica, EURO GV d.o.o. Ilirska Bistrica i EKO-BEL d.o.o. Trn – Laktaši (predstavnik grupe)**; Ul. Cara Dušana br. 84, 78 252 Trn, kojeg zastupa direktor, Šušnjar Vladimir, (u daljnjem tekstu: **Prodavac**), ID broj: 4400855480002.

dana 19.10.2017.godine zaključili su:

## **U G O V O R** **o nabavci i isporuci vatrogasnog tehničkog vozila**

### **I - PREDMET UGOVORA**

#### Član 1.

Predmet ugovora je kupoprodaja roba – Nabavka i isporuka vatrogasnog tehničkog vozila prema Tenderskoj dokumentaciji u postupku javne nabavke broj: 22-44-1153/17, koja čini sastavni dio ovog ugovora.

### **II – CIJENA**

#### Član 2.

Ukupna vrijednost ugovorene robe definisane u članu 1. ovog ugovora (bez PDV-a) iznosi: 663.000,00 KM (slovima: šeststotinašezdesettri hiljade KM).

U ukupnu cijenu iz stava 1. ovog člana, nije uračunat PDV jer je kupac oslobođen istog.

Cijena je fiksna i ne podliježe nikakvim promjenama za vrijeme trajanja Ugovora.

Kupac se obavezuje da će ukupni iznos iz stava 1. ovog člana isplatiti na račun člana Konzorcija WEBO MARIBOR d.o.o. Maribor otvoren kod Nova Kreditna Banka Maribor d.d. broj: IBAN: SI5601000000400014 SWIFT: KBMASI2X.

### **III - NAČIN PLAĆANJA**

#### Član 3.

Ugovorne strane su saglasne da će Kupac ukupnu vrijednost iz člana 2. stav 1. ovog ugovora isplatiti na sljedeći način:

- u roku od 30 (trideset) dana po primljenoj fakturi za isporučenu robu, ako prilikom primopredaje Kupac nema primjedbi na isporučenu robu.

U slučaju da se prilikom primopredaje predmeta nabavke, konstatuju nedostaci i odstupanja od tehničkih specifikacija datih u Ponudi broj: 851-8/V-17 od 15.08.2017. godine, Kupac se obavezuje da će isplatu izvršiti odmah, a najkasnije u roku od 10 (deset) dana nakon što Prodavac otkloni nedostatke konstatovane u Zapisniku o primopredaji predmeta nabavke iz člana 8. stav 1. ovog Ugovora.

Prodavac je saglasan da Kupcu neće zaračunavati zatezne kamate za zakašnjenje pri plaćanju preko "Trezora", ako je Kupac u ugovorenom roku predao nalog za plaćanje, a Prodavac primio uplatu s odgodom od jednog ili više dana od ugovorenog roka iz stava 1. ovog člana.

#### **IV - ROK ISPORUKE**

##### **Član 4.**

Prodavac se obavezuje da će robe iz člana 1. ovog Ugovora, isporučiti najkasnije u roku do 180 dana od dana potpisivanja Ugovora, na adresu: Briješčanska br.14 (Stup) Sarajevo.

##### **Član 5.**

Ugovoreni rok isporuke robe iz člana 4. ovog Ugovora, može se produžiti u slučaju:

- nastanka više sile ili drugih okolnosti koje Prodavac nije mogao predvidjeti,
- kada ugovorne strane sporazumno produže ugovorni rok.

##### **Član 6.**

Ukoliko Prodavac svoje obaveze, zbog dejstva više sile ili nastanka nepredviđenih okolnosti, ne može ispuniti u periodu do 180 (sto osamdeset) dana, Kupac ima pravo na raskid Ugovora.

#### **V - KVALITET ROBE**

##### **Član 7.**

Prodavac se obavezuje da isporučeni predmet nabavke iz člana 1. ovog Ugovora, bude traženog kvaliteta, odnosno kvaliteta koji je dat u ponudi koju je Kupac odabrao kao najpovoljniju.

Kvalitet predmeta nabavke koji je predmet ovog Ugovora, kontrolisat će predstavnik Kantonalne uprave civilne zaštite Kantona Sarajevo.

Primopredaju vatrogasnog tehničkog vozila između Prodavca i Kupca izvršit će predstavnik Prodavca i Kupca - Kantonalna uprava civilne zaštite Kantona Sarajevo.

O navedenoj primopredaji vatrogasnog tehničkog vozila prema tehničkoj specifikaciji sačinit će se Zapisnik o primopredaji, odmah, a najkasnije u roku od 3 (tri) dana od dana prijema istog (putem otpremnice), koji će potpisati predstavnik Prodavca i predstavnik Kupca.

##### **Član 8.**

Sva eventualna odstupanja i nedostaci, prilikom primopredaje predmeta nabavke, konstatovat će se Zapisnikom o primopredaji istog.

Prodavac se obavezuje da će primjedbe konstatovane Zapisnikom o primopredaji otkloniti, o svom trošku, odmah, a najkasnije u roku od 10 (deset) dana, od dana potpisivanja navedenog Zapisnika.

Ako u navedenom roku Prodavac ne otkloni primjedbe konstatovane Zapisnikom o Primopredaji vatrogasnog tehničkog vozila, Kupac zadržava pravo da raskine Ugovor.

#### **VI - OBAVEZE PRODAVCA**

##### **Član 9.**

Prodavac je obavezan Kupcu dostaviti bezuslovnu bankovnu garanciju za dobro izvršenje Ugovora u visini 10 % od vrijednosti Ugovora. Period važenja garancija je rok isporuke + 60 dana. Ako prodavac ne dostavi tražene garancije u roku od 15 dana od dana potpisivanja ugovora, neće se pristupiti realizaciji ugovora.

#### Član 10.

Prodavac se obavezuje da će ugovorene obaveze izvršiti blagovremeno, u ugovorenom roku, stručno i kvalitetno, sve prema dostavljenoj Ponudi.

#### Član 11.

Prodavac se obavezuje da će, prilikom primopredaje vatrogasnog tehničkog vozila iz člana 1. ovog Ugovora Kupcu predati svu potrebnu dokumentaciju traženu u Tenderskoj dokumentaciji i to:

- potvrdu o usklađenosti vatrogasnog tehničkog vozila (homologacija),
- garanciju na sve dijelove šasijske, motora, mjenjača i diferencijala, kao i za sve lakirane površine vozila u vremenskom trajanju od minimalno 24 mjeseca ili 100.000 kilometara od dana isporuke,
- garantni list za opremu na vatrogasnom tehničkom vozilu u vremenskom trajanju od 24 mjeseca od dana isporuke
- certifikate o kvalitetu isporučene robe koji su sastavni dio prateće dokumentacije isporučene opreme
- uputstva za upotrebu vozila i opreme na jednom od službenih jezika u BiH.

#### Član 12.

Prodavac se obavezuje da će po isporuci vatrogasnog tehničkog vozila obezbjediti obuku za korištenje, upotrebu i održavanje kompletnog vozila u trajanju od 2 radna dana (16 sati) za 20 vatrogasaca.

### VII - OBAVEZE KUPCA

#### Član 13.

Kupac se obavezuje da će izvršiti uplatu ukupne cijene vrijednosti ugovorenih sredstava i opreme iz člana 2. ovog ugovora, na način predviđen u članu 3. ovog ugovora.

### VIII - UGOVORNA KAZNA I RASKID UGOVORA

#### Član 14.

Ukoliko Prodavac ne isporuči vatrogasno tehničko vozilo iz člana 1. ovog ugovora na dan utvrđen u članu 4. ovog Ugovora, Kupac zadržava pravo naplate penala u iznosu od 0,1 % za svaki dan zakašnjenja od vrijednosti robe.

Ukoliko isporuka kasni duže od 30 dana, Kupac zadržava pravo jednostranog raskida ugovora i realizaciju bankovne garancije.

Razlog za raskid Ugovora može biti i stečaj, likvidacija ili drugi oblik prestanka postojanja Prodavca ili više sile.

#### Član 15.

Kupac je dužan pismeno obavijestiti Prodavca o svakom eventualnom propustu Prodavca u odnosu na pitanja utvrđena ovim ugovorom.

Ukoliko ne nastupi ni jedan slučaj koji bi zahtijevao realizaciju garancije za izvršenje posla Kupac će po konačnoj realizaciji ugovora izvršiti povrat dokumenta koji predstavlja bankovnu garanciju po prestanku važenja istih.

#### Član 16.

Ugovorne strane su dužne u roku od sedam dana obavijestiti drugu stranu o nastupanju razloga zbog kojih se ne može realizovati ovaj Ugovor.

## IX – GARANCIJA ZA IZVRŠENJE UGOVORA

### Član 17.

Iznos garancija iz člana 9. stav 1. ovog ugovora bit će plativ Kupcu kao kompenzacija za bilo koji gubitak koji bi bio prouzrokovan, ako Prodavac ne izvrši obaveze utvrđene ovim Ugovorom.

Ukoliko ne nastupi ni jedan slučaj koji bi zahtjevao realizaciju garancije za dobro izvršenje Ugovora u periodu važenja garancije, Kupac će po konačnoj realizaciji ovog ugovora po isteku tog perioda izvršiti povrat bezuslovne bankovne garancije.

## X - PRELAZNE ODREDBE

### Član 18.

Ugovorne strane su saglasne da eventualne sporove u vezi ovog Ugovora rješavaju dogovorom, u protivnom nadležan je sud u Sarajevu.

### Član 19.

Ovaj ugovor je sačinjen u 4 (četiri) istovjetna primjerka, od kojih Prodavac zadržava dva, a Kupac dva primjerka.


### Član 20.


Ugovor stupa na snagu danom potpisivanja ugovornih strana.

PRODAVAC  
**EKO-BEL d.o.o. Trn – Laktaši**  
(predstavnik Konzorcija)  
**DIREKTOR**  
  
Vladimir Šušnjar



Broj: 1200-10/v-17  
Sarajevo, 27.10.2017

KUPAC  
**Kantonalna uprava civilne zaštite**  
**Kantona Sarajevo**  
**DIREKTOR**  
  
mr. Mustafa Kovač



Broj: 22-44-1153-21/17  
Sarajevo, 19.10.2017